


BIBLIOTEKA


Zakł. Nar. im. Ossolińskich

XVH

2571







S I M O N I S
STAROVOLSCI
ACCESSVS
AD
IVRIS VTRIVSQ.
cognitionem.

D I V I S V S

In quatuor breuissimos
Tractatus,
Q V O R V M

Primus est, de Iure in communi
Secundus de Iustitia & Iniustit.
Tertius de Iure Ciuili.
Quartus de Iure Canonico.

16.338

Primum Romæ, Typis Vaticanis, MDCXXXIII.
Deinde Cracouiæ, Typis Matthiæ Andreouicis
A. D. M, DC XXXIV.

Superiorum permissu.

*Remissioni
permissu
Causa
Insuper
Legato
Patri
et
A. D.*

Imprimatur, si videbitur Reueren
P. Magistro sacri Palatii Apostolici,

A. Torniellus Vicefg.

PERlegi hunc librum, & nihil reper
quod vel bonis moribus, vel reli
gioni aduersetur; ideo poterit impri
mi. In fidem hac die 2. Nouembris.
1633. Romæ, subscripsi.

*Angelus Lucianus L. V. D. in Gymna
sio almæ Urbis Pontificij Iuris Pro
fessor primarius, manu propria.*

Imprimatur.

Fr. Nicolaus Riccardius Ord, Præd.
Sacri Palatii Apost. Mag.

XVII-2571-I

ILLV-

Illustrissimo, et Excellentis-
simo Domino

P E T R O
P O T O C K I,
P A L A T I N I D Æ
B R A S L A V I E N S I.

SIMON STAROVOLSCIVS S.

*Q*UAMVIS Iura & Statuta no-
stra Polonica, Illustriss: Dñe,
maximè differant, à legibus aliarum
gentium, quæ olim Romanis servie-
runt, aut nunc Romanorum sancitis re-
guntur; nihilominus tamen omnium
legum nostrarum primordia; veluti è
fonte inexhausto, à Iure Communi,
maiores nostri desumpserunt: quique
in patria peregrinus non est, deriva-
tionem earum inde, & cum reliquo-
rum Europæ populorum legibus simi-
litudi-

litudinem, facile animaduertet. Ac
proinde tibi, bonarum literarum stu-
dijs dedito, adq; Patriæ suæ decus nato,
præcognoscenda sunt primò, commu-
nia, quibus orbis Christianus regitur,
iura, antequam ad eas, sub quibus na-
tus es, Poloniæ leges euoluendas, et
more maiorũ tuorũ administrãdas cu-
stodiendasq; accedas. Scis namq; con-
suetudinẽ patriam, in disquirendis
eorũ, qui è puluere Scolastico ad Rẽpu-
blicã accedunt, et primũ in lucẽ pro-
deunt, ingenijs: primò in conuenti-
bus prouincialibus nobilitatis, senten-
tiæ ab illis, in negotijs tunc Reipubli-
cæ à Rege propositis quæruntur: dein-
de, ad causas totius Regni (si optimũ
fructum studiorum suorum mon-
strauerint) in iudicio Tribunali deci-
dendas, iudices annui deputantur: tan-
dem in legum peritiæ sic examinati,
Legati municipales, seu Tribuni no-
bilitatis

bilitatis, ad Comitia generalia, è suis
Satrapijs fiunt. Ibi, quidquid exerci-
tationis in eloquendo, quicquid eru-
ditionis in reliquis scientijs peregrin-
nando acquisiuerunt, non cognatis
modò, sed Principi ipsi, sed Patriæ v-
niuersæ declarare debent. Siq̃ iudicio
sapientum probati fuerint, ad vr-
bium deinde præfecturas, prouincia-
rumq̃ perpetuam administrationem à
Rege dimittuntur. Atque cum tem-
pore demum, in Senatum, maioresq̃
Reipublicæ curas, & honores, pro pru-
dentia laude assumuntur. Sic è stir-
pe tua olim, Bernardus, Nicolaus, Io-
annes, Iacobus, Andreas, Stephanusq̃
Pater Tuus, illustres fuere in patria
Palatini, Castellani, Urbium & Pro-
uinciarum Præsides. Sic innumeri
alijs, alijs Reipublicæ dignitatibus, è
sanguine Potocio, decorati, cohortiũ
ductores, legionum Tribuni, exerci-

tuum Legati. Sic hodie quoq; fratres
& agnati tui, militari gloria celebres,
varijsq; in Patria gradibus sublimes,
sunt columna Podolie, decora Sarmatiae.
Quibus ut tu etiam par aliquando
fias, aequè te toga, ac sago militari
aptare debes, optimè sciens Rompu-
blicam ordinatam, non fortibus tan-
tùm, sed & prudentibus ciuibus indi-
gere semper. Nobilemq; in patria sua
virum, non solum armis illustrem, sed
etiam legibus debere esse instructum,
ut troque tempore, & bellorum & pa-
cis, rectè possit ciuibus suis consulere.
Antequam igitur ad vniuersalia legum
volumina progrediaris, hæc primum
principia iuris, quæ tuo illustri nomi-
ni offerimus, diligenter perlege, & ex
ijs tibi veluti accessum ad altiore sci-
entiae contemplationem præpara; post
modum dein patrias leges, Statutaq;
Polonica diligentissime reuolue. Sic
scies,


scies, cum Deo bono, Equitem Polo-
num non ex armis tantum, sed ex lito-
ris etiam gloriosam sibi immortalita-
tem comparare. Cui adipiscenda, te
quoque meo voto, sospitet DEVS.

CANDIDATIS IURIS.

Nobilissimam Iurium scientiā,
qui adire cupitis, Nobiliss:
iuvenes, ne in prolixitate legum,
aut immensitate librorū aberre-
tis, hæc primum cōmunia princi-
pia prælegite, & methodo quam
damus innixi, accessum vobis ad
ipsius Iurisprudentiæ abdita para-
te. Non improbabitis consilium
vbi diutius in hoc difficillimo stu-
dio immorabimini. Ordinem et-
enim in acquirenda scientia habe-
re, & artis argumentum summa-
riè cōplecti haud postremæ pror-
sus laudis est. Quia igitur Iuris stu-
dium solitudinem non amat, sed
forum semper propositum ha-
bet, & turbam; ideo vos com-
pendiari

pendiaria hac via in reliquis etiā
iuuandos statui, vt è scholis &
vmbra, quantociùs ad rerum lu-
cem actionemque prodire valea-
tis. Quapropter vobis commē-
tarios imprimis in Institutiones
dabo. Si modo, Dēus mihi vi-
tam; qui vos meo voto incolu-
mes seruet, & duit vobis men-
tem, Diuini, humani quē
iuris intelligen-
tem.





Π Ρ Ο Σ Φ Ο Ν Ι Σ Ι Σ

Ad
Nobilem & Generosum

S I M O N E M
STAROVOLSKI.

M. LAURENTII ALPHONSI
Karinjski, Collegæ Min. Philoso-
phicæ Facultatis Decani.


PERGE STAROVOLSKI, Sanguinis per inclytum
Decus vetusti, clara symbola gloriæ
Cumulare auitæ, ditiori fænore:
Merita redonans Domui, & Almæ Patriæ,
Miratur in te enim grauem recentior
Ætas, patrum industriam feliciū:
In te beatam doctiores approbant
Viri indolem: quæis dulcis, satis est voluere
Tuos labores, prætet nec ponere
Horas legendis: Temporibus haud posthumis
Vixit tui memoria senescit nominis:
Tu molliores rigidus in annos nimis,
Curâ iuuentam edace ambedere
Non desijisti non potens somno putri
Torpere, & vngues ociatim arrodere,
Exercitatum rebus ast in asperis

Sexuare

Seruare voluisti, remotionis orbitæ
Aeno vigentem, proficuum & olim : neſtare
Aristoteleo ſaturo, in almo Athenæo
(Iagello ſtruxit prouidus quod regio
Sumptu ſuperbum, Sarmatæ fortiffimo,
Iuuamen in pulchram decuſque gemmeum.)
Obire gentes placuit, oras viſere
Reſectiores, & peregrinas poli
Plagas, grauesque itineris iniurias pati :
Non delicatius ſceleftis luſibus
Vt curioſos vanioribus oculos
Abundè palceres, genium vol molliùs
Emaſculatum perfidos inter greges
Mimorum aleres, eſculetis melleis
Dulcis voluptæ ; ſed laboris maſculi
Virtute conſtanti, grauem ſapientiam
Cura fuit ardens, ſtabilis & conatuum
Contentio parare, libris viuere
Mentesque cordatas, Virorum illuſtrium
Famâ, potentium arte, grauium moribus
Inconſcijs inquirere. Fuit gratiùs
Ad immerentem pulpitem, ſudoribus
Macerare corpus, imis cogitatibus
Animam fatigare : fuit & iucundiùs
Inter ſilentes parietes Doctõribus
Mutis frui, didactra multa voluere :
Non pauca ſcribere, peruicaci tædio
Fractõ : quàm oberrare plateas, ſtupelcere æd
Doctæ manus artes in altis ædium
Molibris & æſtimare ſumptus prodigos ;
Vmbroſæ aut platani, ſub alto regmine
Cythariſtrias inter ſuauem barbiton
Libare, fontiumque riuatini leues
Crispantium radios ſuos ad murmura,
Diffibulatos illecebris perditæ

Sensus amicitiae solvere mollius.
Ergo beatis ô beate gratijs
His maeste pulchris STAROVOLSKI dotibus
Confide nulla temporis caries tibi
Nocebit edax: Famâ perpetim tuis
Vetus fauebit lucubrationibus
Ibunt in xum, ibunt labores feruidi
Tui recensque trader annus posteris
Virtutis almae symbolum: ibit gnomon hic
Regulaque iustitiae rata, dulcescet &
Memoria cunctis grata mentibus tui.





ΠΑΡΑΙΝΕΤΙΚΟΝ

Ad Studiosum Iuris


CANDIDATVM.

M. IOANNIS CYNERSKI RACHTA-
MOVI COLL. MIN. ORDIN. IN
ACAD. CRAC. ELOQVENT. PRO-
FESSORIS.

*QVI desiderio tenacior
Ardes Iuris amœnioris, et cui
Arrident elemēta iusti et æqui,
Et Fas, atq; piū placet serenū,
Hunc quanquam exiguum fo-
ue libellum*

*Sed fructu solidum fove libellū:
STAROVOLSCIVS ille quem
disertus*

Finxit



*Finxit pollice diligentiori:
Starouolscius eruditionis
Præstans ingeniosioris hæres:
Starouolscius arbiter Sororū,
Quas Parnassus alit fouetq;
amænus:*

*Starouolscius inclytæ magister
Virtutis, niueæq; veritatis:
Starouolscius aureum potentis
Phæbi præsidiū, decusq; phæbi:
Starouolscius inuidendus altæ
Ciuis Sarmatiæ, labore fortis:
Starouolscius expeditus omni
Selectis genio imperare Musis.*

*Seu docti numeros Maronis
ambis,
Et docti numeros dabit Ma-
ronis:*

Seu Suadæ cupis Atticam me-
dullam

Et Suadæ exprimet Atticam
medullam :

Annales repetis vetustiores ?

Annales referet vetustiores :

Annalistas pietatis expetitæ

et has habebis.

Quæ optima inter optimates,

Acres præcipue arceantur

hostium.

Nostris ne toties prætor Satelles

Agros depopuletur, imbuatq;

Ferrum sanguine ? iam hoc ad

umbilicum

Deduxit facile, fidelis author.

Nullam sentiet huius in libellis

Ardens ingenium esuritionem:

Starouolscius o politionis
(*Docti dicite, dicite o Poloni*
Doctū dicite, dicite ob Polonū)
Vinat prouida seculi voluptas,
Ardor, delitiumq; Gnatiarum,
Musarumq; decus latiniorum,
Musarumq; decus Poloni-
carum.

J VSTI-principis et NIANI
in oris

Qui tandem Latijs latet, me-
dullam

Expectate Poloni: Et hæc pla-
cebit.





TRACTATUS

PRIMVS

De Iure in Genere..

CAPVT I.

*De origine & progressu:
Iuris..*



VRIS ROMA-

ni, vt varia fuerunt :
initia ; sic & varii
progressus, secun-
dum mutationem
temporum, & ad-

ministrationis Reipublicæ. Et pri-
ma sanè vrbis administratio, Regia
fuit, legesq; plurimæ priscis illis tem-

B

pori-

poribus accomodæ, à Regibus latæ fuerunt. Creatis verò Consulibus, iuris statuendi potestas in Senatum translata fuit, permiffa reis prouocatione ad plebem, quæ sibi Tribunos creauerat, quos Consulibus opponeret. Atque inde *Senatus consulta* ac *Plebiscita* profluxere. Quumq; post magnæ sæpè contentiones inter plebem, patresque, pro legibus fierent, placuit leges in tabulis æreas, atq; ex eo *Tabulæ æneæ* creatæ fuerunt, qui allatas leges Græcas, in decem tabulis descriptas publicè proposuerunt: additis duabus tabulis, quæ leges Romanorum proprias continebant. Imperio demum ad Cæsarem deuoluto, Ius Civile *Principum constitutionibus ac Rescriptis* in eam molem excreuerat, vt omnibus legendis, vix ipsa hominis vita sufficeret.

Iustitia

Iustinianus itaq; huic difficultati remedium positurus, anno Imperii sui secundo, totam Iurisprudentiam Romanorum & leges, in certum compendium redigi iussit; & quicquid, sub Regibus aut Consulibus Statutum fuit, quod congruens regendo Imperio videbatur, id totum in quinquaginta libros *Digestorum seu Pandectarum*, inutilibus reiectis, colligi mandavit. Quicquid verò sub Imperatoribus latum erat, hoc, usq; ad tempora sua, in vnum *Codicem* libris duodecim constantem digessit, ex vtrisque autem hisce legibus ac libris, *Institutiones*, quæ totius iuris præcepta & præcipua capita continerent, libris quatuor conscribi iussit. Addidit & rationē docendi discendiq; iura, atq; in eā rem Professores constituit, duos Cōstantinopoli, duos Beryti, quatuor

Romæ, qui publicè profiterentur. Cum autem Italia à barbaris oppressa esset, per annos quingentos iuris professio delituit penitus, nec primū fuit instaurata; nisi sub Lothario Imperatore, ab Irnerio Bononiæ eam publicè profitente. Quicquid verò triginta octo annis Imperii sui legum aut constitutionū Iustinianus fecit, has omnes in vnū volumen redactas *Novellæ* (quod indies novis emergentibus negotiis fuerint latæ) seu *Authenticas* appellavit. Fuerunt etiam à subsequentibus Imperatoribus variæ Constitutiones latæ, quas similiter diversi Iurisperiti, in epitomē iuris collegerunt, ex quibus maximè *Fedorum*, de conservandis familiis, leges fluxerunt.

CAPUT II.

De Definitione atq; Diuisione Iuris.

IVS in communi sumptum, *est ordinatio quadam dirigens ad bonū.* Dictum autem est ius à iussu, quasi iussum contineat. Appellaturq; interdum Lex, interdum Constitutio, Statutum, Sanctio, Præceptū, iussus, Ordinatio, & in genus alia, per quæ verba idem fere significatur.

Diuiditur autem Ius in *Diuinum & Humanum.*

DIVINVM *est Diuinae rationis ad bonum ordinatio.*

HVMANVM *est humanae rationis ad bonum ordinatio.*

Et Diuinum est duplex. Aliud vnicuiq; rei ab exordio creationis in-

ditum natura. Aliud hominibus tantum in tempore positum à Deo.

Humanum quoque similiter duplex. Aliud commune omnibus gentibus. Aliud peculiare alicui Civitati, aut Populo.

Ius Diuinum naturale, est *Diuinae rationis ordinatio, rebus omnibus in earum creatione indita, ad vniuersi perfectionem, & conseruationem.* Et est duplex. Aliud hominibus commune cum brutis. Aliud proprium solummodo ipsis hominibus.

Ius Diuinum Positium, est *ordinatio diuinitus hominibus posita & reuelata dirigens eos ad æternam beatitudinem.* In veteri quidem testamento per Moysem: In nouo autem per Christum.

Ius Humanum commune omnibus gentibus, est *ordinatio singulari gentium*

gentium naturali ratione cōstituta ad
conseruandum genus humanum, & pro
uidentiam necessitatibus humanis. vt
sunt Cōtractus ferè omnes, sine qui-
bus humana societas conseruari non
potest.

Ius verò Humanum peculiare a-
licui populo, est propria alicuius vni-
uersitatis, vel eius, qui in illa prin-
cipatum obtineat, ordinatio,
ad eiusdem
feli-
tatem atque in-
columita-
tem.



CAPVT III.

De Iure Naturali.

IV S naturale diuinitus hominibus inditum duplex esse diximus, aliud commune cum brutis, aliud hominibus proprium. Illud ius naturale *Primæum* dicitur. Istud Ius naturale *Secundarium*.

PRIMÆVVM est quod natura omnia animalia docuit, vel vt apertius dicatur, est naturalis rerum animatarum instinctus, ad sui ipsius conservationem, suæq; speciei propagationem, vt cibum & potum capere, motum & quietem appetere, seipsum ab iniuriis, & à cunctis, quæ ledere possiat, tueri. Filios procreare & educare

SECUNDARIVM, vel etiã *Gentium Primæum*, est *humana rationis*

*tionis dictamen ad virtutem, ad bonum, & felicitatem. Et hoc teste Cicerone, ubiq; & apud omnes vnum est, atque idem sempiternum & immutabile, vt Religio erga Deum veluti primam causam. Amor in parentes, & patriam. Obedientia erga maiores, Magistratus & Principes. Amor virtutum & detestatio vitiorum omnium. Fidei inuiolabilis obseruātia. Atque demum tria illa præcepta. *Honeste viuere. Alterum non ledere. Ius suum vnicuiq; tribuere.**

Quia verò duobus modis seruatur vniuersitas cuiuscunque gentis aut populi, *vel cunctis*, qui in ea continentur prospiciendo, *vel singulis*, ex quibus ipsa Vniuersitas conficitur, consulendo; ideo hoc idem Ius Civile in duas scinditur partes. In *Publicum & Priuatum*. quod quidem v-

trumque, tum solùm modò vim legis habet, cùm à recto, & à naturali ratione non aberrat: quotiescunque enim in aliquo à lege naturali secedit, imm non lex, sed legis est corruptio.



CAPUT IV.

*De publico atq; Priuato
Iure.*

PUBLICVM IVS est illa ciuitatis ordinatio, quæ ad statum Reipublicæ pertinet, ac præcipuè eiusdem conseruationem respicit, mox verò singulorum commodum. Republica enim bene se habente, priuati eius ciues quiete ac beatè viuunt.

Consistit ea potissimum in creandis Magistratibus, in præscribendo eorum officio, in legibus rogandis & abrogandis, in sacris faciendis, in sacerdotibus creandis, in muneribus iniungendis, inque aliis plurimis quæ bonum regimen concernunt, introducendis vel immutandis.

PRIVATVM IVS est ciuilis ordinatio

dinatio ad singulorum præcipuè utilitatem pertinens, deinde etiam ad optimum, vniuersæ ciuitatis statum. Si enim ciues singuli incolumitate & felicitate fruuntur, ipsam quoque ciuitatem incolumem ac felicem esse cōsequens erit. Cum nihil aliud sit ciuitas, quam singulorum ciuium collectio.

Vtrumq; autem istud Ius, tam Publicum quam Priuatum; à iure naturali deducitur, *vel immediate sicut conclusiones ex principijs*, vt si humano iure caueatur fures, sacrilegos in Republica esse puniendos, hoc de riuatur per modum Conclusionis ex illo naturæ principio. Nocentes homines puniendos esse. Docente enim naturali ratione, fures, sacrilegos, & rebelles noxios esse, statim necessario sequitur conclusio, pœnas
illis

illis esse infligendas. *Vel intercedente aliqua congrua determinatione, quæ proportionem habeat aliquorum communium ad certam speciem, ut si humana lege caueatur, prædictos fures, sacrilegos, ac rebelles pœna capitis esse plectendos, hæc pœna dicitur esse determinatio quædam illius communis principii ad certam supplicii speciem; & vocatur ius positivum, quasi ex sola lege humana vigorem capiens.* Atque sic determinationes eiusmodi factæ; aut in vno loco servantur, ubi fuerunt determinatæ, pro incolarum opportunitate, & vocantur **VERNACULÆ LEGES**, ut est lex illa de filiis emancipatis ab hæreditate intestati patris excludendis: & illa, prohibens donationem inter virum & uxorem, quæ Romæ tantum cognitæ fuerunt.

aut ali-

aut alibi conditæ & ad nos importatæ,
& vocantur A D V E N T I T I Æ
L E G E S vt sunt Atheniensium san-
ctiones, aut Lacedæmoniorum
consuetudines ad Roma-
nam Urbem transla-
tæ, & in
de-
cem tabulas di-
positæ.



CAPUT V.

*De Iure scripto, & non
scripto.*

OMnes humanæ leges, à lege naturali, vel immediate sicut conclusiones ex principiis deductæ, vel per determinationes communium ad certam speciem sancitæ; aut initio ex solo civium arbitrato semel, iterum, atque iterum, & diuturnis moribus observantæ, vim legis paulatim habere cæperunt, quæ *Iura non scripta, seu consuetudines* appellantur; aut principio arbitrio totius populi, aut alterius, cuius ea potestas fuerit, unico tantum actu observandæ propositæ sunt, quæ *Iura scripta* nuncupantur.

IUS igitur NON SCRIPTUM
seu

seu **CONSVETVDO** est, quod
tacitus populi consensus diuturnis v.
tentium moribus comprobavit, ad pu-
blicum & commune eiusdem populi
bonum.

IUS verò **SCRIPTVM** est, ci-
vilis ad commune bonum ordinatio,
quæ ab habente potestatem iurii con-
dendi emanans in scriptum referri so-
let, ut, facilius populo innotescat. Et
huius præcipuè partes sunt lex. Lex

scilicet, Plebiscitum, Senatus

consultum, Magistra-

tuum edi-

cta,

Principum placita, atque

demum Respon-

sa Pruden-

tum.



CAPUT VI.

De sex Iuris scripti partibus.

Prima Iuris scripti pars vocatur
 LEX, quod populus Romanus
 Senatorio Magistratu interrogante,
 veluti Consule, instituebat.

Secunda PLEBISCITVM, quod
 plebs plebeio Magistratu interrogan-
 te, veluti Tribuno, constituebat.

Tertia SENATVS CONSVL-
 TVM quod solus Senatus iubebat,
 aut constituebat.

Quarta PRÆTORVM EDI-
 CTA, id est Ordinationes, quæ à
 Magistratibus proponebantur sui of-
 ficii tempore duraturæ: quæ à succes-
 soribus in album translatae, paulatim
 vim Iuris habere cœperunt, & postea
 à Saluio

à Saluio Iuliano in vnum collectæ,
ab Adriano Imperatore pro legibus
confirmatæ.

Quinta PRINCIPVM PLA
CITA seu generales Imperatorum
constitutiones: vel etiam particula-
ria responsa, super alicuius dubii iu-
ris interpretatione reddita. Leges e-
nim interpretari, vtirem solo impe-
rio dignam sibi soli reseruarunt, cum
ea tempestate ipsis tantum leges con-
dere liberum esset.

Sexta & vltima RESPONSA
PRUDENTVM. antiquitus enim
erant Pontificum, & aliorum iuris pe-
ritorum receptæ interpretationes.
Post Cæsares verò, sunt sententiæ
& opiniones eorum, quibus permis-
sum erat de iure respondere.

Et ex istis sex iuris partibus, vni-
uersum constat Romanum ius, quod

nos Corpus Ciuile appellamus, à
Triboniano Theophilo & Do-
rotheo viris clarissimis

iussu

Iustiniani Impera-
toris compo-
situm.



CAPVT Vltimum.

De Fine, & Obiecto Iuris.

FINIS ROMANI IVRIS
 conseruatio totius Romani Imperii in vniuersum.

CAVSA EFFICIENS tacitus populi consensus diuturnis moribus comprobatus; vel expressus eiusdem populi, & pro temporum varietate etiam plebis, Senatus, Prætorum, & Principis, eiusque authoritate etiam Iure consultorum, de iure respondendi facultatem habentium.

SUBIECTVM verò circa quod versatur, sunt *hominum facta*, Romanum enim ius circa hominum sibi subiectorum facta disponit ad bonum & æquum Magistratus auctoritate conseruandum.

Homi

Hominum autem actiones, & facta duo potissimum respiciunt: *vel rerum dominia, vel personarum obligationes*. Primum igitur in acquirendo, aut in conseruando, aut in minuendo consistit. Vel enim hoc agitur quemadmodum quid cuiusque fiat: vel quemadmodum quis rem suam, aut ius suum conseruet: vel quomodo alienet, seu amittat. Secundum verò personas respicit, quæ obligari, & quibus obligari debent.

Et quia in utroque aliquo est opus remedio, quo quis rem suam vendicet, vel quod sibi ab aliquo debetur, superioris authoritate consequatur, & hæc remedia *Actiones* appellantur, quæ nihil aliud sunt, quam *Ius rem suam vindicandi, vel quod sibi debetur in iudicio persequendi*. propterea primo Caius, deinde Iustinia-


nus dixerunt. *Omne ius quo utimur, vel ad personas pertinere, vel ad res, vel ad actiones.*

F O R M A denique I V R I S, quâ Modestinus etiam virtutem appellat, est *imperare, vetare, permittere, punire*: quia quandocumque iura disponunt, necessariò vnum ex his efficiunt.

Qui igitur Iuris cognitionem quaeritant, ac boni & æqui notitiam proficiuntur, æquum ab iniquo separantes, & licitum ab illicito discernentes I V R I S P R V D E N T E S appellantur, qui veram, non simulatam Philosophiam affectare dicuntur. Sicut ipsa tum Diuini, tum humani iuris notitia I V R I S P R V D E N T I A dicitur, cum humanarum & diunarum rerum cognitionem contineat.

Et hæc de Iure, tam diuino, quam
humano.

humano: tum communi, tum parti-
culari: publico, vel priuato:
sine scriptis, vel in
scriptis & de o-
rigine
eius breuiter hoc tra-
ctatu dixisse suf-
ficiat,



TRA.



TRACTATUS SECUNDVS.

De Iustitia & Iniustitia.

CAPVT I.

*De Definitione Iustitiæ &
Iniustitiæ.*



VI secundum prædictas Naturæ, Dei & Hominum ordinationes viuunt, vti legibus & iuri obtemperantes, iusta facere, & iusta velle dicuntur.

IUSTVM enim est, quod secundum
dum

dum Iura gestum est, & ii qui volentes ac libentes iusta gerunt IVSTI meritò appellantur: habitus verò, qui fit ex frequentatis actibus obtéperandi Iuri, dicitur Iustitia. E contra.

INIVSTVM est quod contra leges & iura gestum est, & hi tanquã iniusta gerentes INIVSTI appellantur: habitus verò, qui fit ex frequentatis actibus à iure auertendi & iniusta gerendi Iniustitia dicitur. Et ex his patet quod.

IVSTITIA est habitus, quo homines apti sunt ad res iustas agendas, & quo iusta agunt, & volunt iusta.

INIVSTITIA verò est habitus, quo homines iniustas res agunt, resq; volunt iniustas. Nam qui prædictis legibus & Iuri non obediunt, sed ab iis exorbitant, iniusta facere, & iniusta velle dicuntur.

Ex his etiam innotescit *Iustitiam* à iure, non *Ius* à *iustitia* derivari, & circa ius uti eius obiectum versari; illudq. uti normam, regulam, & præceptum præsupponere, quod doceat & iustruat, quid agendū, quidue omitendum sit, ut in hominibus prædictæ regulæ frequenter obtemperantibus, huius virtutis habitus produci possit.

Ex quo necessariò sequitur *Iustitiam* iure ipso posteriorem esse, sicut iniustitia etiam est iniuria posterior. Iustum enim vel iniustum non esset, nec homines iusti, vel iniusti dici possent; nec iustitiæ, vel iniustitiæ habitus reperiretur, si ius aliquod nō præcessisset, quia nihil esset, cui parere vel non parere quis posset, iuxta illud D.

Pauli, *Si non fuisset lex, non fuisset peccatum.*

CAPVT II.

De diuisione Iustitiæ.

QVIA teste Aristotele & D. Thomã, ius tam Diuinum, quàm humanum, & tam naturale, quam positium, iubet viuere secundum rationem cuiuscumq; virtutis, & vetat viuere malo cuiuscumque vitii: & non solum præcipit, vt vnicuiq; reddatur Ius suum, quod est proprium iustitiæ, sed etiam præcipit ea gerere, quæ pertinent ad alias virtutes, puta ad virum fortem, vt non deserere locum in acie, non fugere, non abiicere arma; item ea, quæ sunt temperantis, vt non committere adulterium, non libidinari; & etiam quæ sunt mansueti, vt non ferire alium, non dicere conuitia; & in cæteris itidem virtuti-

bus, atque vitiis, alia iubet, alia vetat ad bonum commune respiciens, ad quod lex omnis principaliter ordinatur. Ideo qui iuri & legi obtéperat, duobus modis iustus dici potest: & è contra, qui ei aduersatur, duobus itidè modis iniustus. Ac proinde etiã habitus, qui fit ex frequentatis aëtibus parendi vel nō parēdi legibus, & sic iustitia, vel iniustitia duplex efficitur, prout resultat ex aëtibus vno vel altero respectu habitis. Nā qui priori respectu reddit vnicuiq; ius suum, ob illius vti singularis personæ vtilitatem, iustus erit iustitia particulari, quæ est propria & à cæteris distincta virtus. Qui verò legibus obtemperat posteriori respectu, quia puta ius suum cuique reddat, vel alias quascumque virtutes exerceat, non singulorum intuitu, sed ob commune bonum,

iustus

iustus erit iustitia generali. Et ex
hoc respectu resultat prima iusti-
tiae diuifio, nempe vt a-
lia fit *Generalis*,

&

alia *Particu-
laris*.



CAPVT III.

De Generali Iustitia.

GENERALIS IUSTITIA
*est habitus omnium virtutum ex
 legum prescripto ad cōmune bonum.*
 Dicta autem Generalis, non quia sit
 veluti genus ad reliquas virtutes, sed
 quia est collectio quædam virtutum
 omnium, vt dicebat Hesiodus
*Iustitia in sese virtutes continet
 omnes.*

Dicitur quoque & *Legalis*, quia etiam
 ad legem pertinet ordinare in bonū
 commune, de omnibus quibuscumq;
 disponere, omnia vitia cohibere, o-
 mnium virtutum actus præcipere.
 Cum itaque eadem, quæ generalis
 iustitia exequitur, lex ipsa præcipiat,
 meritō etiā *legalis* appellata est, quia
 quic-

quicquid à lege præcipitur, legale dici potest. Per eam enim homo concordat legi ordinanti actus omnium virtutum in bonum commune, vt explicat D. Thomas 1.2. *quest. 58. art. 5. in corpore ad finem.* E contra verò vitium huic virtuti contrarium.

GENERALIS INIVSTITIA dici potest, *tota vitij latitudo, seu collectio omnium vitiorum* Et quia per eam quis legibus aduersatur, *Legalis iniustitia* eadem meritò appellari valet.

Proprium Generalis, vel Legalis iustitiæ est, ordinare & dirigere actus aliarum virtutum ad suum finem, videlicet ad bonum commune, vt charitas ordinat actus omnium virtutū ad bonum diuinum. Ex quo patet, quod *Generalis iustitia non est eadē cum alijs virtutibus.* quia sicut sol tā-

quam causa vniuersalis alterat & immutat corpora, quæ ab ipso illuminantur, ita hæc generalis seu legalis iustitia, vt causa quædam vniuersalis, alterat & immutat finem aliarum virtutum, vt non intuitu boni particularis, sed boni communis, quisque agat. Efficit enim vt temperans à libidine absteineat, non eo respectu ne incontinentem se præbeat, vel alium offendat: sed ne commune bonum totius ciuitatis, cuius ille, vel alius pars esse dicitur, in aliquo perturbetur. Et in hoc potissimum differt, & per essentiam ab omni virtute, licet ipsa à Philosopho dicatur tota virtus. Quia sicut causa superior influens in inferiorem, & cum ea operans, non est eadem cum ipsa inferiori, vt sol non est idem cum igne, & charitas, quæ respicit bonum diuinum vt proprium

prium obiectum, & ordinat actus omnium virtutum ad Deum, non est eadem cum illis, sed quædam specialis virtus secundum suam essentiam: ita iustitia hæc generalis vim quandam infundens in alias virtutes, & cum eis operans ad bonum commune, non dicitur cum illis eadem, sed specialis est virtus, vt eleganter demonstrat D. Thomas, & cæteri post eum.

Ex eo autem dicitur tota virtus secundum Aristotelem, & eadem cum omni virtute, quia vnaquæque virtutum considerata, vt à iustitia generali vel legali imperatur, potest denominationem suscipere, vt generalis & legalis dicatur: quemadmodum omnis virtus secundum rationem, qua à charitate imperatur, teste Dominico Soto, charitas quodammodo dici potest.

Et quia *Generalis iustitia in Principe & Legislatore architectonicè residet*, & ab eis potissimum interdicitur, qui omnia ad commune bonū, ex quo vniuersi populi felicitas contingit. disponere debent, non à subditis, quibus sufficit, si legibus obtemperent; nec refert qua intentione, an ob singulorum commodum, an ob commune bonum, cum illud utroq; casu nihilominus sequatur, & ad amussim eadem Principis, & Legislatoris intentio impleatur. Propterea *Generalis iustitia non est Iuriconsulti obiectum*, nec de ea à Iurisperitis agitur, nec illa ab Vlp. definitur, cū eorum munus sit subsidios tantū instruere in legum obseruantia, nec curatur qua intentione id agant, ut iam dictum est.

CAPVT. IV.

De Iustitia particulari.

PARTICULARIS iustitia inde dicitur,
quia pars est præcedentis genera-
lis iustitiæ. Illa enim ut diximus, ver-
satur circa omnes virtutes, quatenus
à lege præcipiuntur, & sic in commu-
ne bonum. Hæc verò circa vnam tan-
tùm ex eis, quæ in qualitate consistit,
& in distribuendo unicuique quod
suum est.

IVSTITIA igitur PARTICVLA-
RIS secundum Aristotelem est, ha-
bitus electivus reddendi unicuique ius
suum, ut singulari personæ, ob solam
honestatem.

Vel secundum D. Thomam, est
habitus secundum quem aliquis con-
stanti, & perpetua voluntate ius suum
unicuique

unicuique tribuit.

Vel clarius secundum Vlpianum & Iustinianum, *Iustitia est constans & perpetua voluntas ius suum unicuique tribuens.*

E contra INIVSTITIA PARTICULARIS, est habitus electivus non reddēdi alteri, præsertim ut singulari personæ ius suū, & appetēdi plus emolumentī, & minus damni, quā sibi debetur, nullo simili habito respectu ad legē aliter præcipiētis transgressionem.

Proprium itaque Particularis Iustitiæ est, ut unicuique quod suum est reddat, vel distribuat, nullo habito respectu ad legem id iubentem, nec ad commune bonum per se, sed ad ipsam æqualitatem, & quia id efficere honestum est, & sic ad singulorum utilitatem. Hæc enim iustitia rectas efficit externas hominum acti-
ones

ones, & res, quæ in vsum hominum
veniunt, quatenus vnus homo ordi-
natur ad alterum.

Proprium verò particularis iniu-
stix est, vt reddat plus vel minus ali-
cui, quam ei debeatur, non vt legi ad-
iuerfetur, sed quia illius pluris vel mi-
noris sit appetitor. Per hanc enim de-
formantur externæ hominum actio-
nes, & res, quæ in vsum hominum
veniunt, quatenus vnus homo ordi-
natur ad alterum.

Ex his colliguntur *differentiæ in-
ter Generalem & Particularem iusti-
tiam* quia illa versatur circa omnes
virtutes, ac proinde rectas efficit etiã
eas, quæ sunt ad seipsum, & sic inter-
nos animi affectus, vt supra diximus.
Hæc autem versatur tantum circa ea,
quæ specialiter pertinent ad commu-
tationem vitæ, & sic dirigit tantum
actio-

actiones externas. Illa respicit obtinendam legem, ac proinde commune bonum. Hæc verò ipsam datorum & acceptorum æqualitatem, ac proinde singulorum commodum. Illa est aggregatio quædam omnium virtutum, eas dirigens ad commune bonum, ut diximus. Hæc verò est una ex illis virtutibus, quæ licet sui natura dirigatur ad bonum priuatum, imperata tamen ab illa dirigitur ad bonum commune, & fit generalis.

Et hinc patet *necessitas particularis iustitiæ*, quia cum illa generalis iustitia, non sit essentialiter omnis virtus, nec illa sola sufficiat, quoniã nec omnia præcipit, nec omnia vetat, sed de omnibus aliqua, eaque potissimum quæ ad pacem & concordiam ciuium facere solent, & sic quæ respiciunt commune bonum: ideo oportet,

tuit, præter eam, quæ ordinat hominem immediatè ad commune bonum, esse alias virtutes, quæ absque legum præscripto efficerent, vt homines cum hominibus priuatam vitam degentes, virtutum opera ederent, à vitis, & iniuriis abstinentes. Et quia hæc ordinatio fieri potuit vel ad se ipsum, vel ad alteram singularem personam; ideo sicut præter iustitiam legalem oportuit esse aliquas virtutes particulares, quæ ordinarent homines in se ipso, puta temperantiam, fortitudinem, mansuetudinem: ita etiam præter iustitiam legalem, oportuit esse particularem quandam iustitiam, quæ ordinaret hominem circa ea, quæ sunt ad alterum, præsertim priuatam personam, vt est iustitia hæc

Particularis.

CAPVT V.

*De Diuisione particularis
Iustitiæ.*

QVia singularis persona, cui per habitum particularis iustitiæ ius suum redditur, duobus modis refertur ad alterum, nempe vel vt pars ad partem, & sic vna singularis persona ad aliam, vel vt pars ad totum, & sic priuatus quilibet ad suam communitatem. Et hoc casu, vt sciatur quam quisque in ea partem habeat: aliquando habetur ratio ad rem, vel operam, quam in eadem communitate posuit, non ad personarum conditionem, vel qualitatem: aliquando habetur respectus ad qualitatem personarum, nulla rerum æstimatione habita: aliquando vtrumque respicitur, &

tur, & res, vel opera in communitate posita, & personarum qualitas perpenditur. Propterea ex respectu, qui adhibetur, & modo qui seruatur in reddendo vnicuique suum, & sic ex accidenti *iustitia particularis duplex efficitur*. Altera, in qua habetur ratio rei ad rem, non ad personam, siue reddatur ius inter priuatos ad inuicem, vt inter partem & partem, siue inter priuatos & cōmunitatem ipsā, vt inter partem & totum, ex quadam inter eos inuicem facta rerum commutatione, & hæc *Commutatiua* dicitur. Altera, in qua habetur ratio rei ad personam non ad rem: vel si ad rē, simul etiam & ad personam, dum quę sunt communitatis inter singulos de ea distribuuntur, iuxta singulorū merita, & hæc appellatur *Distributiua*.

Et licet hæc etiam distributiua iustitia,

stitia, si eius naturam subtilius perpendamus, videatur esse simpliciter æqualitas datorum & acceptorum, & semper supponat in iis, quibus fit distributio, merita erga Rempublicam si non præsentia, certè præterita, vel futura: præterita, ut quando nobilibus plura tribuuntur, quia habetur ratio ad merita maiorum: futura, ut quando Respublica civibus suis, viribus, opibus, vel virtute insignibus, à quibus plura se consecuturam confidit, plura confert, quasi sub spe futuri servitii, anticipata stipendia. Quia alias cessantibus omnino meritis, cessaret debitum; & quod daretur, non ex iustitia, sed ex mera liberalitate manaret. Tamen particularem iustitiam partiendo, ideo diximus in distributiva haberi respectum rei ad personam, non rei ad rem, quia in ea

non

non

non attenduntur merita solum præ-
sentia, pro quibus fit distributio, sed
præterita etiam vel futura, & multo-
ties aliena, quæ non considerantur
amplius, vt res, nec vt de genere me-
ritorum, sed vt qualitas iam personæ
adhærens, quæ eius conditionem di-
gniorefficit; & satis perpensa di-
cuntur, dum iuxta personarum qua-
litatem fit distributio, quod nihil est
aliud, quam earumdem personarum
merita perpendere. Et hoc pacto ve-
rissima est *distinctio Particularis lu-
stitiæ in COMMVTATIVAM*
& *DISTRIBVTIVAM*, de
quibus sigillatim agen-
dum est.



CAPVT VI.

De Commutatiua Iustitia.

COMMUTATIUA Iustitia, vt vox ipsa demonstrat inde dicta est, quasi commutationem quandam contineat ita, vt ad eiusdem commutationis perfectionem, hæc commutatiua iustitia requiratur. Nam vt diximus, hæc reddit singulis, quæ cuique debentur ex quadam inter eos facta commutatione, vt contingit in emptione, & venditione, in qua res cum precio commutatur. Et ideo ad eiusdem commutationis perfectionem re ipsa tradita, desideratur conuenti precii solutio; & soluto precio requiritur eiusdem rei venditæ traditio.

Et quia in commutationibus, vt patet exemplo proximè relato, red-

ditur

ditur aliquid alicui singulari persone,
propter rem eius quæ accepta est, vt
alius tantundem accipiat, nulla ha-
bita ratione personarum cōditionis,
cum nihil referat, an probus prauo,
an prauus probus detraxerit, sed ha-
bito tantum respectu ad rem ipsam,
vt fiat adæquatio rei ad rem, videlicet,
vt quanto iste plus habet, quam suū
sit, de eo, quod est alterius, tandun-
dem restituat ei, cuius est, ideo in
hac commutatiua iustitia non accipi-
tur medium secundum proportionē
rerum ad personas, vt in distributiua,
sed secundum æqualitatem rei ad
rem. Et sic *medium commutatiue ius-
titie in Arithmetica æqualitate con-
sistit*, quæ attenditur secundum par-
tem quantitatis excessus, sicut quinque
est medium inter sex, & quatuor,
quia vnitas excedit, & exceditur. Si
ergo

ergo à principio vterq; habebat quinque, & alter eorum accepit vnum de eo, quod erat alterius; ille qui accepit, habebit sex, alteri verò relinquentur quatuor: erit itaque iustitia si vterque reducatur ad medium, vt accipiatur vnum ab eo, qui habet sex, & detur ei qui habet quatuor, sic enim vterque eorum habebit quinq; quod est medium. Et hoc est verum tam in commutationibus voluntariis, quæ scilicet ex libera hominum voluntate fiunt; cuiusmodi sunt venditiones, locationes, donationes; mutui, commodati, depositi, & pignoris dationes, & similes: Quam in commutationibus inuoluntariis, quæ altero inuito fiunt: tum occultis, tum in furto, dum quis rem alterius clàm subripit: tum manifestis, vt in rapina, dum per violentiam quis rapit. In omnibus

mnibus enim hisce casibus, & aliis, qui sub commutatione considerari possunt, locum habet commutativa iustitia, ut quanto quis plus habet quàm suum sit, de eo quod est alterius, tantumdem restituat ei, cuius est: & sic ex vnus lucro, damnum exinde contingens, alteri resarciatur.

Est itaque COMMUTATIVA IUSTITIA habitus electivus, vel constans & perpetua voluntas vnicuique tribuendi quod ei ex suo: dato, vel facto, eius habitatione debetur.

¶

CAPVT VII.

Inter quos locum habeat commutatiua Iustitia.

Licet commutatiua iustitia frequentius versetur inter priuatos ad inuicem, & sic inter partes Reipublicæ cadit, tamen aliquando etiã inter Rempublicam & priuatos ciues, quotiescumq; inter eosdem considerari potest aliqua commutatio, vt puta si priuatus aliquis communitati suæ, vel pecuniam mutuo dederit, vel rem aliquam vendiderit, vel pro mercede operas suas locauerit, vel quid simile fecerit: in his enim Princeps & Respublica fungitur vice priuati, & ex hac commutatiua iustitia tenetur mutuanti tantundem restituere, vendenti precium, & locanti operas suas

suas, mercedem soluere, & alia facere, ut cæteri priuati homines. Immo quod magis est, hæc eadem commutatiua iustitia seruatur aliquando inter priuatos & ipsam Rempublicam etiam dum consideratur ut Respublica est; quod contingit, cum aliquis magnum aliquod, & egregium facinus pro Republica gesserit, & de ea adeò benè meritus sit, ut eidem premium pro remuneratione statui honestum videatur. Hæc enim remuneratio, quæ à Republica fit, etiam erga sibi subiectos ob egregiam nauatam operam, & ita de se bene meritos, ex hac commutatiua iustitia prouenit; & hæc seruanda est, quatenus perpendendæ sunt res gestæ in gratiam Reipublicæ, ut æqualis & ex proportionem eisdem operibus statuatur remuneratio. In hoc enim, ut de se

D

patet.

patet, habetur ratio rei ad rem, id est operis pro Republica patrati ad præmium statuendum, licet ut dicemus inferius, quatenus hoc eodem casu debet etiam haberi respectus ad personam benè merentis, distributiva quoque iustitia seruanda sit, & sic mixtura quædam utriusq; tum commutatiuæ, tum distributiuæ iustitiæ.

Dico ulterius, hanc commutatiuam iustitiam locum habere, ut supra indicaui, etiam quando in tribuendo unicuiq; ius suum, habenda est ratio partis ut totum, ut si agatur de diuisione lucri, vel damni, alicuius societatis inter plures, pro inæqualibus partibus initæ super aliqua negotiatione: ut quia tota fors unius, sortem alterius excedat puta in duplo: & rursus, si plures sint socii, fors tertii in aliquo similiter excedat sortem alio

rum, quia puta vnus quatuor, alius duos, tertius verò vnum tantum in societate posuerit. Nam lucrum & damnum, ex eadem societate contingens inter eos erit diuidendum, ex hac eadem commutatiua iustitia, cū habeatur respectus rei ad rem, non ad personam.

Quia tamen hæc diuisio inter eos fieri debet, iuxta proportionem sortis capitalis: vt quantò quis maiorem posuit, tanto maius lucrum & damnum consequatur. Ideo in hoc casu, & in hac distributione, commutatiua iustitia habet effigiem distributiue, cum non æqualiter fiat, sed secundum proportionem, & habeatur respectus ad maiorem vel minorem sortem, quam quis habet in eadem societate & communione, quod dicemus seruari & esse proprium distribu-

tiuz iustitię. Cum tamen verissimū
sit hanc distributionem inter socios
disparis sortis capitalis esse propriam
& meram commutatiuam iustitiam,
non autem distributiua. Nulla e-
nim hic habetur ratio rei ad personā,
sed tantū rei ad rem, scilicet ad ma-
ius vel minus: quare vt inter socios
vera seruetur æqualitas, ipsa commu-
tatiua iustitia expostulat, vt inter eos
inæqualis fiat distributio; sic enim fi-
et, vt iuxta sortem capitalem à se po-
sitam, commodū, vel incommo-
dum sentiat. Idem omnino dicen-
dum puto, si plures alicuius negoti-
ationis societatem contraxerint, æ-
qualiter vel inæqualiter ab iis capita-
li posito, eorum tamen magis vni-
quā alius in ea negotiatione versa-
tus sit, & maius illi emolumentum
attulerit, quia in diuisione lucri, ve-
damus

damni, licet ultra sortem capitalem debeat haberi respectus ad sociorum personam, ut magis industrius, & magis in negociatione versatus plus lucri & plus damni sentiat, & videatur haberi ratio rei ad personam, ut in distributiua iustitia. Tamen hæc eadem commutatiua attendi debet, quia maior vel minor opera, vel industria sociorum pro re consideratur, & pro sorte capitali reputatur. Et propterea dum operæ, vel industriæ eorum habetur ratio, parum refert, an qui plus operatus est, sit probus, vel improbus, nobilis aut vilis, diues vel pauper, qui respectus habentur in distributiua iustitia: sed sufficit, si, qualiscumq; sit, societati suæ opera, vel industria plus compendii, & utilitatis contulerit.

Quod puto verum, non solum

quando ab initio contractæ societatis; opera vel industria vnius ex sociis æstimata fuerit, quo casu certissimū est, vel augere, vel constituere capitalem, sortem: sed etiam si fuerit simpliciter inita, nec conuentum quantualiterius opera æstimari debeat. Quia adhuc pro capitali sorte, vel eius incremento reputabitur iuxta boni viri arbitrium, cum licet æstimata non sit, sit tamen æstimabilis.

Et idem confirmatur, quia si eodem casu diuisio fieret ex distributiva iustitia, ille, qui pro societate in lueri gratiam plus operatus est, maius lucrum, & minus damnum consequi deberet, si aliquo puta fortuito casu negociatio ipsa iacturam fecisset: quia hoc est proprium distributivæ iustitiæ, ut qui de Republica melius meritis est; plus commodi, & honoris, & minus

& minus incommodi, & oneris consequatur. Cum tamen societate simpliciter inita, vt supra, certi iuris sit, lucrum, & damnum inuicem ex proportionem respondere, vt quis tantum damni sentiat, quantum lucri sensisset, si negociatio superlucrata esset,

Nisi aliter expresse sit a-

ctum, quo casu lu-

cri & damni

di-

uerfitas ex conuentione

magis, quàm ex so-

cietate prodi-

ret.



CAPUT VIII.

De Distributiva Iustitia.

Distributiva Iustitia, ut facile patet ex ipsius vocis sono, inde dicta est, quia distribuit inter partes quæ sunt communitalis, ut totius. Sed quia totum non influit, nec distribuit vim suam partibus æqualiter, nec æqualiter ab illis idem exigit, sed utrumquæ facit ex proportionem magis vni, quam alteri, & magis ab vna quàm ab altera, secundum quod vna vel altera pars habet in eo toto maiorem sortem, ut patet in humano corpore, quod maiorem vim brachio communicat, quàm auri, & plus à brachio exigit, quàm ab aure, quia brachium maiorem, auris minorem in corpore humano partem obtinet. Ideo hæc distributiva Iustitia,

non singulis de vniuersitate idem æqualiter distribuit, nec idem ab iisdem exigit æqualiter in casu indigentia, & quo opus sibi visum fuerit: sed vni plus, quàm alteri confert: & ab altero plus, ab altero minus capit, iuxta vniuscuiusq; conditionem, & secundum quod quisq; in ea communitate maiorem, vel minorem dignitatem & præcipuum ius habet. Quia tamen dignitatem & prærogatiuam non eadem omnes inquitunt esse, sed Optimates in communitate Aristocratica virtutem, pauci potentes in Oligarchia opulentiam, populares verò in Democratia libertatem. Ideo in Aristocratiâ plus virtute præditis, in Oligarchia plus diuitibus & Nobilibus, in Democratia plus popularibus tribuitur, quàm cæteris. Et ideo in distributiua iustitia non accipitur me-

dium secundum æqualitatem rei ad rem, sed secundū proportionem rerū ad personas; vt sicut vna persona in aliqua communitate excedit aliam, ita etiam res eiusdem communitatis inter singulos diuidenda, quæ datur vni personæ, debet excedere eam, quæ datur alii, vt propterea dixerit Aristoteles *medium distributiue Iustitiæ secundum Geometricam proportionem consistere*, in qua attenditur æquale non secundum quantitatem, sed secundum proportionem, vt si dicamus, sicut se habent sex ad quatuor, ita se habent tria ad duo, quia vtrobiq; est sesquialtera proportio, in qua maior quantitas minorem excedit dimidia illius. Hæc eadem proportio obseruatur in hac distributiua iustitia, vt non singulis idem secundum quantitatem distribuatur,
sed se-

sed secundum proportionem, & secundum maiorem vel minorem in communitate dignitatem & partem. Ita, ut si duo, alter ignarus, alter virtute præditus, sint ciues in aliqua Republica vbi virtus magni fiat, nõ erit, quod redundat, eodem modo & quantitate inter eos distribuendũ, sed tanto plus vni, quàm alteri dandum erit, quanto ille virtute, & aliis conditionibus alterũ excellit. Ita tamen ut æqualis proportio in distribuendis etiã oneribus, quã in distribuendis præmiis adhibeatur; sēperq; ab eo plus exigatur, qui ea re magis abũdat, qua Respublica opus habet, imponendo puta eruditioribus maiorem curam regendi Rempublicam & eius Magistratus, ditioribus grauiorem collectam, vilioribus verò longiores & frequentiores excubias, & alia huius generis.

Ex his

Ex his igitur **IUSTITIA DIS-**
TRIBVTIVA est habitus electi-
 uis, seu constans & perpetua volū-
 tas distribuendi singulis
 commoda
 & in-
 commoda ciuitatis iuxta vni-
 uscuiusq; in ea con-
 ditionem.



CAPVT Vltimum.

*De Iustitia mixta ex Commu-
tatiua & Distributiua.*


QVia verò prædictus casus est sa-
tis frequens, qui versatur circa
compensandos bene meritos de Re-
publica & de nobis metipsis; propte-
rea necesse est declarare, quæ ratio in
hac re adhibenda, & seruâda sit. Quo-
niam si duo vel plures viriliter pro pa-
tria pugnaverint, & vnus aduersi Du-
cis, alius priuati militis spolia repor-
tauerit; hi, licet paris conditionis, nō
æquè remunerandi sunt, sed eò
magis ille, quò Ducis conditio priua-
ti militis cōditionem magis excedit.
Vel si duo æqualiter hostium mœnia
primi ascenderint, quorum alter sit
Dux, alter verò priuatus miles, remu-
neratio

neratio eo maior illi statuenda est, quo Ducis conditio est privati militis conditione præclarior. Idem omnino dicendum est de privato quolibet homine amicos suos de se benemeritos remunerari volente, quia gratitudinis ratio expostulat, ut per pensis beneficiis acceptis, ex proportionem singulis mercedem tribuat. Id tamen descendit ex principiis Cōmutatiuæ, Iustitiæ, cū habetur ratio rei ad rem, dum beneficium remunerandum perpenditur. Quia tamen non eodem præmio beneficia rependuntur, sed vel magis vel minus pro eorum magnitudine, ut dictum est; propterea dicitur hoc casu hanc cōmutatiuam iustitiā habere effigiem distributiue.

Cum igitur in hac præmiorum cōstitutione habeatur ratio rei ad rem, & rei ad personam benemerentis, quod

quod diximus esse medium distributi-
uæ iustitiæ, propterea ex vtraq; iusti-
tiâ mixtim compensatio dicitur ema-
nare; difficillimaq; ab Aristotele re-
putatur iusta beneficiorum æstimatio
& cōpensatio, quia & beneficia æsti-
manda sunt, & beneficentium quali-
tates perpendendę, quo casu quisq;
sui ipsius meritum & conditionē plu-
ris facit, quàm alterius.

Et facta prædictorum iunctione,
pōtest aliquando contingere, vt per-
sona vilis maius conferat beneficiū,
quam dignior, vt si priuatus miles ad-
uersi Ducis spolia, Dux verò priuati
militis pugnando reportauerint, & in
hoc cōsistit viri prudentis arbitriū, in
statuendo cuiq; præmia & beneficio,
& conditioni personæ conuenienter
abiq; subditorū quærimoniis. Et hæc
de Iustitiæ & Iniustitiæ cognitione.



TRACTATUS

TERTIVS.

De Iure Ciuili.

CAPVT I.

*De subiecto & forma Iuris
ciuilis.*

I X I M V S tractatu pri-
 mo Ius positium esse
 variabile & imperfectū,
 sicut illud naturale, quod
 est commune omni nati-
 oni, immutabile, plenum & perfectū;
 proinde ad omnem perfectionem &
 felicitatem hominem ducere Legisla-
 tores volentes, pro summa illa, quam
 à Deo

à Deo acceperunt, sapientia, duplices
leges composuerunt, alias quæ homi-
nem dirigerent ad Deum, alias quæ
ad proximi dilectionem; eamq; ob
causam *ius positivum subdiviserunt*
in Canonicum & Civile. Nam sicut
ex duobus componitur homo, scili-
cet materia & forma: sic dux sunt di-
gnitates in Ecclesia militante, scilicet
Pontificalis auctoritas, ad dirigendū
hominem in rebus Divinis; & *Impe-
rialis potestas*, ad formandum homi-
nem in rebus humanis & civilibus:
Et sic Papa conditor est Canonum,
& Imperator Legum. Vnde facile
patet causa efficiens utriusq; iuris.

SVBIECTVM verò IVRIS CI-
VILIS est homo politicus, constitui-
onibus legalibus dirigibilis simplici-
ter in bonum humanum, ad Reipubli-
cæ utilitatem conservandam. Vnde.
statim

statim patet manifestè *causa Finalis*,
conseruatio videlicet Reipublicæ in
uniuersum. Nam finis iuris est bonos
 & scientes efficere, non metu solum
 poenarum, verùm etiam exhortatio-
 ne præmiorum.

C A V S A autem FORMALIS
 duplex est, scilicet *forma tractandi*
 quæ est modus agendi, vt definitiuus,
 diuisiuus, præceptiuus, prohibitiuus
 & exemplorum positiuus. Et *forma*
tractatus quæ consistit in diuisione li-
 brorum totalium in partiales: & par-
 tialium in titulos, seu rubricas: & ti-
 tulorum in capitula, leges,
 paragraphos, vel
 responsa,
 & cætera, vt infra
 dicetur.



CAPVT II.

De Diuisione Iuris Civilis.

VNiuerſum Ius Ciuile, ſeu Imperatorium, quatuor, voluminibus continetur, quæ dicuntur libri legales, vt ſunt, *Digeſtum*, *Codex*, *Inſtituta*, & *Authenticum*, quibus additur liber *Feudorum*.

DIGESTVM continet in ſe quinquaginta libros partiales, in tria volumina diuiſos, qui omnes continent in ſe Titulos quadringentos triginta quatuor. Hoc eſt *Digeſti Veteris*.

Primum Volumen ſeu liber habet Titulos 22.

Secundus 15.

Tertius 6.

Quartus 9.

Quintus 6.

Sextus

Sextus	3.
Septimus	9.
Octauus	6.
Nonus	4.
Decimus	4.
Vndecimus	8.
Duodecimus	7.
Tredecimus	7.
Decimus quartus	6.
Decimus quintus	4.
Decimus sextus	3.
Decimus septimus	2.
Decimus octauus	7.
Decimus nonus	5.
Vigefimus	6.
Vigefimus primus	3.
Vigefimus secundus	6.
Vigefimus tertius	5.
Vigefimus quartus	2.
Et sunt simul	155.

Infortiati.

Primus liber habet Titulos 8.

Secundus 10.

Tertius 10.

Quartus 8.

Quintus 7.

Sextus titulum 1.

Septimus 1.

Octauus 1.

Nonus 10.

Decimus 9.

Vndecimus 3.

Duodecimus 4.

Tredecimus 15.

Decimus quartus 18.

Et sunt simul 105.

Digesti Noui.

Primus liber habet Titu-
los 6.

Secundus 16.

Terti-

Tertius	11.
Quartus	9.
Quintus	32.
Sextus	7.
Septimus	3.
Octauus	8.
Nonus	23.
Decimus	24.
Vndecimus	18.
Duodecimus	17.
Et sunt simul	174.

C O D E X diuiditur in libros par-
tiales XII.

Quorum primus habet

Titulos	58.
Secundus	59.
Tertius	43.
Quartus	66.
Quintus	75.
Sextus	61.

Septi-

Septimus	75.
Octauus	59.
Nonus	51.
Decimus	76.
Vndecimus	77.
Duodecimus	64.
Et sunt simul	764.

*AVTHENTICORVM siue
 Nouellarum Constitutionum.*

Prima Collatio habet

Titulos	6.
Secunda	6.
Tertia	7.
Quarta	7.
Quinta	20.
Sexta	14.
Septima	10.
Octaua	13.
Nona	15.

Et sunt simul 98.

Deci

Decima Collatio Authenticorum,
 siue Nouellarum Constitutionum, a-
 ut liber siue vsus Feudorum habet
 Titulos . 87.

INSTITVTIONVM.

Primus liber habet Titu-

los . 26.

Secundus . 25.

Tertius . 30.

Quartus . 18.

Et sunt simul . 99.



CAPVT III.

De Digestis.

Primus liber Iuris Ciuilis est Digestum continens in se leges & statuta Romanorum, tribus Voluminibus. Primum Volumen vocatur *Digestum Vetus* quod habet 24. libros partiales. Secundum *Infortiatum* & habet 14. libros partiales. Tertium, *Digestum nouum* quod habet 12. libros partiales. Vocaturq; hoc nomine Digestum, quia omnia decidenda digeruntur & soluuntur. Alio nomine dicitur *Pandectæ* à Græco nomine *παν* quod est totum, & participio verbo *δέχομαι* quod est capio, quasi omnia intra se comprehendens: est enim volumen aliquod omnia vniuersaliter continens.

E

Est aut.

Est autem liber iste, Digestum nuncupatus, collectus ex veteri iure, quod ab vrbe condita, & à temporibus Romuli, vsq; ad tempus Iustiniani Imperatoris, ferè per mille annos & trecentos, confusè statutum fuit: & extédebatur in duo penè millia librorum, & decies centena millia versuum, id est paragraphorum vel responsorum.

Scribitur verò Digestum per duplex ff. contra morem omnium librorum legalium, cum nulla litera f, ponatur in hoc nomine digestum, idè (vt aiunt quidam) quia per duos Imperatores, quorum cuius Federicus nominabatur, postea maturius ruminatum est, & Digestum: à quorum Imperatorum quolibet nomine, sumpta est prima litera F.

Infortiatum autem dicitur vulgò
ab in,

ab in, id est valde, & forte, quia multum fortes leges in eo continentur, id est dispositiones vltimarum voluntatum, quæ non debent immutari.

NOTA quod quando in Digesto veteri, Infortiato, vel Digesto nouo, allegatur aliquis textus, tunc primo ponitur nomen libri, non partialis, nec veteris, noui, vel Infortiati, sed Digesti in genere, per duplex ff. postea titulus vel rubrica: deinde apponitur lex illius tituli cum sua determinatione, vel numero sequenti. Et si lex est longa ponitur §. primus, vel secundus, vel responsum primum, vel secundum, &c. exemplum, ff. de damno infecto, l. si finita, §. si quis autem, quod ita abbreviatum valet ac si dicere velles, in libro digestorum, sub titulo de damno infecto, in lege quæ incipit, Si finita, in §. si quis au-

tem illius legis. Aliud exemplum, ff.
ad leg. Rhod. de iac. l. navis, §. cum
autem. id est, Digestis ad legem
Rhodiam de iactu, in lege
navis, in para-
grapho,
autem. & sic de
aliis.



CAPVT IV.

De Codice.

SECUNDUS principalis liber Iuris ciuilis dicitur Codex, qui continet statuta, sanctiones, & diuersa præcepta Imperatorum: quamuis communiter loquendo, Codex dicatur quilibet liber in se habens diuersos libros partiales. Fuerunt tamen ante tempus Iustiniani Imperatoris, tres Codices legum, scilicet codex Gregorianus, Hermogenianus, & Theodosianus, ex quibus Diuus Iustinianus fecit fieri vnum codicem, quem suo felici nomine intitulauit, & qui nunc vocatur *Codex Iustiniani* vt patet in rubrica præemii huius libri. Et scribitur per C. magnum, quæ est prima litera huius nominis Codex. Di-

uiditur autem vti supra diximus in 12 libros partiales, sed quorum vltimiores, longè post primos nouem compositi sunt, & raro leguntur à Doctolibus. In primis autem nouem libris Codicis, allegatur suo modo, sicut & in Digestis, primo ponendo nomē libri Codicis, deinde titulum, postea legum, cum suo principio vel numero. Exemplum, C. de præscrip. xxx. vel lx. anni, l. si quis, §. pen. id est in libro Codicis, sub titulo de præscriptionibus xxx. vel xxxx. annorū, in lege, si quis, in paragrapho penultimo.

In vltimis tamen tribus libris, hoc refert, quod in fine allegationis (vt præmissum est) additur numerus libri, vt allegando C. de armorum vsu iuxta principem, l. r. lib. 10. C. de Muri legulis & Gyneciariis l. &c. lib. 11. Et est magis necessarium quosdā
 titulos

titulos plenius scribere, quia sunt in his libris tribus valde rari & inusitati tituli, quia non frequentatur in scholis legendo, sicut alii libri nouem priores.

Et volunt aliqui dicere, quod quando in Codice allegatur, non sit necesse addere l. dicendo sic, C. de iud. l. properandum, sed simpliciter debeat dici, de iudic. properandum, sine hoc addito, lege: nisi esset lex 1. 2. 3. vel penultima, vel antepenultima. Tunc enim oporteret addi, lege prima, secunda, vel penultima. Sed siue hoc in toto seruatur siue non, non est magna vis.

Item interdum in Codice allegatur Authentica, quæ est antiquo iuri superaddita, & incorporata, vt. C. de epis. & cle. Authen. generaliter. id est, in Codice sub titulo de episc. & cler.

in Authentica ibi incorporata,

quæ incipit, Generaliter.

CAPVT V.

De Authentico.

Tertius principalis liber, vocatur Authenticum, in numero singulari: & Authentica Authenticorum in numero plurali. Et sunt Authentica quædam excerpta, quasi summula librorum supra dictorum.

Diuiditur autem iste liber in ix. collationes, quatum quælibet subdiuiditur in titulos: Tituli verò subdiuiduntur non in leges, sed in paragraphos. Et quando ex Authentico allegatur aliquis textus, præmittitur primò nomen libri cum præpositione, in; deinde ponitur titulus, postea subiungitur paragraphus cum ipsius inceptio: & in fine ponitur quota collationis.

natu-

naturaliter præcedit paragraphū qui in ea continetur, tamen collatio cum sua quota consuevit vltimò allegari: licet etiam interdum omittatur. Exemplum sumatur sic allegando. in Authen. de lenonibus, §. sancimus, coll. 3. id est, in libro seu volumine Authenticorum sub titulo de lenonibus, in §. qui incipit, Sancimus, sub collatione 3. Aliud exemplum, in Authen. de trien. & semis, §. consideremus, collat. 3. id est, in Authentico de triente & semisse, in §. consideremus, &c. Et nota differentiam inter Authenticum & Authenticam. Nā Authenticum est liber principalis Voluminis, de quo nunc loquimur. Authentica verò est lex vna vel paragraphus incorporatus in lib. C. & allegatur hoc modo, sicut etiam prædictum est in libro. C. in Authen. mul-

tò magis C. de fac. sanct. eccl. &c.

LIBER FEVDORVM, qui alio nomine dicitur **Collatio X.** diuiditur in duos libros partiales, quorum quilibet subdividitur in titulos, & isti in capitula & paragraphos. Vnde vt exemplariter dicatur, in allegatione huius libri, primò ponitur nomen libri, postea titulus, deinde capitulum & §. vt sic allegando in libro, alias & communius, in vñibus feud. de prohib. feud. alien per Federic. c. i. §. hac. edictali. Et hoc breuitatim sic intelligitur: id est, in vñibus feudorum (qui liber collatio decima dicitur) sub rubrica de prohibita feudi alienatione per Federicū, in capitulo primo, & paragrapho allegato. Et est necesse apponere per Federicum, ad differentiam alterius tituli in eodem libro de prohib. feud. alien.

alien. per Lotharium. Potest etiam
nomen libri ultimo subiungi, vt in
hoc exemplo. quib. mod. feud. amitt.
cap: vnico, §. rursus, in vsibus feud.
id est, in rubrica; quibus modis feu-
dum ammittatur, c. vnico, §. rursus,
in vsibus feudorum. Etiam interdum
allegatur collatione decima, sic bre-
uiando. collatio x. quia iste liber post
ix. collationes autheticorum editus
est. Alia possunt accipi exempla mul-
ta. De feud. mar. duc. & com. id est,
de feudo marchie, ducatus & comita-
tus. De inues. in man. fac. id est, de
inuestitura in manum facta. de milit.
vasal, qui contum. est, id est, de mili-
te vasallo, qui contumax est. Et ita
de omnibus aliis extendendo, & ab-
breuiando rubricas, cum subiunctio-
ne tamen ca. & § in quo contine-
tur authoritas vel textus
allegatus.

CAPVT VI.

De Institutionibus.

Quartus liber principalis dicitur Instituta, vel Institutiones in numero plurali. Et diuiditur in quatuor libros partiales, qui sunt introductorii in alios libros legales; & subdiuiduntur vltcrius in titulos, & hi in paragraphos, non in leges nec in capitula: & paragraphi interdum quando longi sunt in versiculos.

In allegationibus autem huius libri talis modus obseruatur, quod primò liber nominatur, postea rubrica, deinde paragraphus cum versiculo. Exempli gratia. Instit. de iusti. & iur. S. id est, in libro Institutionum, sub rubrica de iustitia & iure, in paragrapho primo illius rubricæ. Aliud. Instit. de


stit. de iur. nat. gen. & ciui. §. sed quoties, id est, Institutionibus de iure naturali, gentium, & ciuili, paragrapho allegato.

Et hæc de nominibus, diuisionibus, & exemplis ipsorum librorum legalium, pro nunc sufficiant. Vbi tamen *Notandum est*, quod quidam liber, *paruum volumē* appellatus est, continens in se aliquos prædictorū librorum totalium, & aliquos partialium titulos, videlicet Authentica, *Vsus feudorum*, & tres vltimos libros Codicis, scilicet, decimum, vndecimum, & duodecimum qui raro legi consueuerunt,

& titulos

habent plerosque
rarissimos.

¶



TRACTATUS

QVARTVS.

De Iure Canonico.

CAPVT I.

*De subiecto Iuris Canonici, et
diuisione eius in libros generales.*



VRIS Canonici sub-
iectum est, bonum com-
mune fidelium directi-
uum, decisionem singu-
lorum negotiorum con-
tinens, rerumq; Ecclesiasticarum vti-
litatem conseruans. Vel vt breuius
laquamur. *Subiectum Iuris Canonici
est homo Catholicus dirigibilis de iu-
re Canonico in bonum humanum at-
que diuinum.*

Ius autem Canonicum in quatuor libris principalibus nobis est traditum: quorum primus vocatur *Decretum*, Secundus *Decretales*, Tertius *Sextus*, & Quartus *Clementina*.

Hic primum sciendum est, differentiam esse inter Decretum, Canonem, & Decretalem Epistolam. Nam *Canon* proprie dicitur statutum in Concilio generali, vel prouinciali, factum auctoritate Episcoporum: vt de consec. c. 1. *Decretum* verò est statutum, quòd Papa de consilio Cardinalium, ad nullius tamen consultationem statuit, & inscriptis redegit, vt de rescript. capit. præsenti. Hic autem Decretum sumitur pro nomine libri, in quo sanctorum Patrum dicta descripta sunt. Capitur etiam aliter Decretum de rebus eccles. non alien. capit. 1. lib. 6. in glossa magna, in fine; vbi

ne, vbi ponitur differentia inter decretum, authoritatem, & consensum vel collaudationem iudicis &c. *Decretalis* verò *epistola* dicitur, quam Papa solus, vel de consilio Cardinalium ad consultationem alicuius rescribit & respondet, vt de rescrip. cap. 1. & glossa 3. §. omnes hę species, dist. 3.

Sciendum secundo, quòd indifferenter decreta, Canones, & Decretales; Ius Canonicum nuncupantur, vel Canones, & vnum specie pro reliquo sumitur.

Vocatur etiam Canonica institutio aliquando dogma, quia consistit in doctrina fidei Christianę. de consecrat. distin. 5. cap. fin. Aliquando mandatum, quia consistit in doctrina de moribus, dist. 54. denique. Aliquando interdictum, quando nulla pœna adiicitur. de consecr. dist. 3.

non oportet, & quandoque sanctio,
quando pœna additur. 27. quæst. 4.
si quis vere. Hic etiam Decretales
in plurali numero utimur pro libro,
in quo dicta capitula, quæ etiam
Decretales dicuntur,
continen-
tur.



CAPVT II.

De Decreto.

Primum librum Iuris Canonici, qui Decretum dicitur composuit Magister Gratianus, Ordinis S. Benedicti professus, non quidem inueniendo, sed dicta sanctorum Patrum in diuersis dispersa voluminibus in vnum volumen debite & ordinate colligendo: & hoc circa annum Domini, 63. MCLXXXIII.

Diuiditur autem hic liber primus Decretum in tres partes principales: quarum *prima vocatur* DISTINCTIONES quia subdiuiditur in partes centum & vnā, quarum quælibet distinctio dicitur. Ille autem distinctiones vltius subdiuiduntur in canones vel capitula: qui canones interdum

terdum propter ipsorum prolixitatē subdiuidi possūt in paragraphos, & paragraphi ipsi si longi fuerint in versiculos. *Secunda pars Decreti nominatur CAUSÆ*, & cōtinet in se xxxvi. causas, in quas diuiditur, à quibus & nomen accepit; quæ causæ subdiuiduntur vltcrius in quæstiones, & hæ in canones vel capitula, quæ vltra in paragraphos & versiculos subdiuidi possunt, vt de distinctione canonum præmissum est.

Est tamen animaduertendū, quod causa trigesima tertia habet quæstiones sex: quarū quæstionum tertia nō diuiditur immediatē in canones vel capitula, sed ibi interponitur tractatus de pœnitentia, qui continet in se distinctiones septem, in quas diuidetur: & hæ subdiuiduntur in capitula vel canones, & paragraphos vt supra dicebatur.

Tertia

Tertia & ultima pars Decreti nuncupatur DE CONSECRATIONE, & habet in se quinque distinctiones in quas diuiditur, quarum quælibet in plures sub diuiditur canones vel capitula, & quandoque in paragraphos ut supra dictum est.

NOTA de prima parte Decreti, quòd in allegando illa syllaba di. vel dis. etiam sola litera d. significat distinctionem, & numerus immediate sequens denotat quotam distinctionis: ultimo ponitur principium canonis vel capituli, in quo authoritas vel allegatio continetur. Exemplum, 8. dist. quo iure. id est, in prima parte Decreti, in distinctione octaua illius partis, in canone, qui incipit, quo iure

In secunda parte Decreti NOTA, quòd per numerum positum ante litteram q. datur intelligi quota causæ.

Et sic

Et sic omnia talia adiectiua numeraria, prima, secunda tertia, quarta &c. usque ad tricesimam septimam ante literam q. posita, semper includunt hoc substantiuum causa. Nec debet ille numerus excedere 36. quia non sunt plures causæ in secunda parte Decreti: & per literam q. intelligitur quæstio in nominatiuo, vel aliis casibus, secundum exigentiam congruitatis. Communiter autem in ablatiuo allegatur quæstio. Ultimo subiungitur canon, vel capitulum illius quæstionis, in quo authoritas allegata quæri debet. Exemplum, i. q. 1. principatus, & capitulo cum Paulus; id est, in secunda parte Decreti, in prima causa illius partis, & in prima quæstione illius primæ causæ, in canonibus incipientibus, principatus. & cū Paulus: Isto obseruato, quòd in toto iure

iure non breuiatur principium canonis, capituli, vel legis: sed semper integrè ponitur, prout in libro cōtinetur.

Quia tamen tractatus de pœnitentia inseritur in quæstione tertia, ipsius causæ tricesimæ tertiæ, vt supra dictū est; ideo addendū est semper verbū hoc, de pœnitentia, in allegādo sic. de pœ. dif. 1. homicidiorū & c. homicidiū. id est, in seunda parte Decreti, in causa xxxiii. in quæstione 3. istius tricesimæ tertiæ causæ, in distinctione prima illius quæstionis, in tractatu de pœnitentia, in canonibus qui incipiunt, Homicidiorum, &c.

In tertia deniq; parte Decreti, hoc modo allegatur, de con. di. 1. nocte sancta, cap. missas. & cap. omnis Christianus. Hoc est, in vltima parte Decreti, quæ intitulatur De consecratione, in prima distinctione illius partis, in

tis, in canonibus qui incipiunt, No-
 ste sancta, &c. Non debet autem in
 tertia parte Decreti ultra quintam di-
 stinctionem allegari, sicut nec in se-
 cunda parte ultra septimam, & in pri-
 ma parte non ultra centesimam pri-
 mam; quia nulla partium plures ha-
 bet distinctiones. Ideo ultra allegans
 notaretur tanquam imperitus errare.

Et quia in qualibet parte Decreti
 sunt distinctiones, **NOTA** differen-
 tiam in allegando. Nam quando al-
 legatur distinctio absolute cum nu-
 mero, sine addito alterius determina-
 tionis; ut dicendo, dist. 3. 4. vel 5.
 &c. tunc querendum est in prima par-
 te Decreti, ubi sunt centum & una di-
 stinctiones. Quando autem allega-
 tur distinctio cum addito de poeniten-
 tia, ut sic: de poenit. dist. 5. 4. &c.
 tunc queri debet in secunda parte
 Decreti

Decreti, in causa 33. & quaestione ter-
tia illius causæ, vbi ponitur *Tracta-
tus de pœnitentia*, qui habet distincti-
ones septem. Sed si allegatur distin-
ctio cum addito tali, de Consecrati-
one, vt sic, de consec. dist. 2. vel 3o
tunc quaeritur in tertia parte De-
creti, vbi sunt tantum quin-
que distinctiones.

nec etiam :

plures

allegabis, aliàs te osten-
des Iuris igna-
rum.



CAPVT III.

De Decretalibus.

SECUNDUS liber iuris Canonici, qui Decretales nominatur, à Gregorio Papa IX. compositus est: qui in vnā compilationem redigi procurauit, per magistrū Raymundum suum capellanum, diuersas decretales epistolas predecessorum suorum, corrigens & concordans: & hoc circa annum Domini M C C X X X I. Et sic penè annis triginta octo, post compilationem Decreti, Decretales in hanc formam redactæ fuere. Nam post hoc sub anno Dñi, M C C X L V I. Concilium Lugdunense fuit celebratū, ab Innocentio Papa IV. anno sui Pontificatus 2. in quo multas edidit constitutiones, quas etiam suo tempore su-

per Decretales conscripfit.

Iste igitur liber Decretales vocatus, diuiditur in quinque libros partiales: quorum quilibet vltcrius subdividitur in multos titulos vel rubricas: & tituli in capitula, capitula in paragraphos, & hi interdum in versiculos. *Primus autem liber Decretalium*, tractat de personis Ecclesiasticis, & Ecclesie ministris, deque eorum officiis, & quomodo tales creandi, aut ordinandi sunt. Et continet titulos 43. *Secundus liber decretalium est*, de iudiciis, & de requisitis in iudicio. Habetque titulos 30. *Tertius est*, de vita & honestate Clericorum, & rebus eorum, & rebus Ecclesiarum. Et habet titulos 51. *Quartus* de sponsalibus & matrimoniis, deque ceteris his annexis. Et continet titulo 21. *Quintus & vltimus* de accusationibus, & criminibus

nibus, deq; diuersis pœnis pro ipsis
infligendis. Et continet titulos 41.
Quibus omnibus computatis, totalis
liber Decretalium habet titulos, vel
rubricas 185.

Allegatur autem ex Decretalibus
sic: de sum. Tri. & fi. cat. damnamus.
id est; de summa Trinitate & fide Ca
tholica, capitulo Damnamus. Aliud
exemplum, de elec. cum in cunctis,
id est, in libro Decretalium, sub
titulo de electione, in ca-
pitulo quod in-
cipit,
Cum in cunctis,
& ita de
aliis.



CAPVT IV.

De Sexto.

Tertium librum Iuris Canonici, qui Sextus appellatur, cōposuit Bonifacius Papa VII I. in quo Decretales epistolas suorum Prædecessorum, videlicet Gregorii X. Innocentii I V. Clementis I V. & aliorum cū suis propriis epistolis recollegit in vnum librum, quem Sextum appellavit: nō sic quòd ille cum aliis quinque partialibus libris Decretalium in vnū volumen Sextus connumeretur, sed quia liber est specialis post dictos quinque editus, supplens defectum diuersorum casuum emergentium, in aliis non cōprehensorum. Et sunt promulgatę cōstitutiones libri Sexti, āno à natiuitate Dñi MCCLXXXVIII.

Nonis

Nonis Martii, Pontificatus Bonifacii
Papæ VIII. anno 4.

Diuiditur autem Sextus eodē modo, in quinq; libros partiales, sicut & Decretales; & quilibet horum librorum in titulos, & hi per capitula & paragraphos, vt supra. Quamuis in Sexto non sint tot tituli sicut in Decretalibus, nec tot capitula in titulis: sed vbi deficit aliquid nō plenē decifum in Decretalibus, id ponitur in Sexto.

Et sciendum quod in sexto allegatur eodem modo, vt in decretalibus, hoc solum mutato, quod in Sexto allegando semper in fine additur lib.vi. propter differentiam librorum, quia omnes rubricæ Sexti sunt etiam in Decretalibus. Debet ergo ad rubricam post capitulum addi libro sexto, vt Sciatur esse in Sexto, alias ex omissione hu-

ius additionis cōtingeret errare: Exē
plum, de Constit. vt animarum, libro
sexto. & de rescrip. statutum, §. cum
verò ver. nullus, lib. eo. Hoc est, in
libro Sexto, sub titulo de consuetu-
dinibus, in capitulo quod incipit, vt
animarum. Et sub titulo de rescri-
ptis, in capitulo quod incipit, Statu-
tū, in paragrapho illius capituli,

qui incipit, cum ve-

ro, in ver-

si-

culo, nullus, li-

bro eodem.



CAPUT V.

De Clementinis.

Quartum librum Iuris Canonici, qui *Clementinæ* dicitur, sub audiendo *Constitutiones*, incæpit & edidit Clemens Papa V. sub anno Dñi, MCCCX. in Concilio Viennensi, quod sed mensibus durauit, sed ipse Clemens morte præuentus, ad publicum non perduxit. Cæterum Ioã. Papa XXII. post eum compleuit, correxuit, in quibusdam mutauit, & executioni demandauit. Quæ constitutiones ita collectæ dicuntur *Clementinæ*, à Clemente V. & fuerunt promulgatæ anno Domini MCCCVI. 4. Kalen. Nouembris.

Et diuiduntur *Clementinæ*, eodẽ modo in quinque libros, iuxta materiã

istius versus. *Iudex, iudicium, clerus, sponsalia, crimen.* de qua tractant, sicut Decretales, & Sextus; licet pauciores cōtineant titulos, & tituli pauciora capitula, in quos, & quæ, rursum diuiduntur, Vbi sic allegatur. de hæret. ad nostrum in Clemen. id est, in constitutionibus Clementinis, sub titulo de hæreticis & Manichæis, in capitulo quod incipit, Ad nostrum. Aliud exēplum. de reliq. & vene. sanct. si dominum, in Clemen. id est, de reliquiis & veneratione sanctorum, in capitulo, si dominum, in Clementinis. & sic de aliis. Nam hic allegatur per omnia sicut in Decretalibus, solum eo dempto, quod additur hic in Clemē. sicut in Sexto, additur libro Sexto, propter rationem ibi dictam.

Ex his autē supradictis Iuris Canonici libris, ad imitationē Institut: Iustini

ani, fecit mandato Pii V. Pont. Max.
Institutiones Iuris Canonici, Ioannes
Paulus Lancelottus Perusinus, quæ
passim doctissimorum virorum mani-
bus teruntur, & in Academia Craco-
uiensi, quolibet semestri studiosæ iu-
uentuti, publicè præleguntur.


Et hæc de quatuor libris principa-
libus Iuris Canonici, & allegationi-
bus eorum, ad omnipotentis Dei
laudem, & Iuris vtrius-
que alumno-

rum

instructionem, di-
xisse suffici-
ant.

✱





I N D E X

CAPITVLORVM.

Tractatus Primus.

De Iure in Genere.

- Cap. 1. De origine & progressu Iuris. pag. 17.
Cap. 2. De Definitione atq; Divisione Iuris. pag. 22.
Cap. 3. De Iure Naturali. 25.
Cap. 4. De Publico atq; Priuato Iure. 28.
Cap. 5. De Iure scripto, et nō scripto. 32.
Cap. 6. De sex Iuris scripti partibus. 34.
Cap. vlt. De Fine, & obiecto Iuris. 37.
-

Tractatus Secundus.

De Iustitia & Iniustitia.

- Cap. 1. De Definitione Iustitie & In-
iustitie. 41.
Cap. 2.

I · N · D · E · X.

Cap. 2. De diuisione iusticie.	45.
Cap. 3. De Generali iustitia.	48.
Cap. 4. De iustitia particulari.	54.
Cap. 5. De Diuisione particularis iusticie.	60.
Cap. 6. De Commutatiua iustitia.	65.
Cap. 7. Inter quos locum habeat commutatiua iustitia.	70.
Cap. 8. De Distributiua iustitia.	79.
Cap. vlt. De iustitia mixta ex Commutatiua & Distributiua.	84.

Tractatus Tertius.

De Iure Ciuili.

Cap. 1. De subiecto, & forma iuris ciuilis.	85.
Cap. 2. De Diuisione iuris Ciuilis.	90.
Cap. 3. De Digestis.	91.
Cap. 4. De Codice.	92.
Cap. 5. De Authentico.	95.
Cap. 6. De Institutionibus.	99.

Tractatus

INDEX.

Traēctatus Quartus.


De Iure Canonico.

Cap. 1. De subiecto Iuris Canonici, & diuisione eius in libros generales pag.	101.
Cap. 2. De Decreto.	104.
Cap. 3. De Decretalibus.	107
Cap. 4. De Sexto.	110.
Cap. 5. De Clementinū pag.	117.

FINIS.







Oprawę wykonał(a)

Henryk Świdorski

Wrocław, data 19 VII 1988

